



Visoki predstavnik Valentin Inzko dobitnik priznanja “Wilhelm Bock” za 2017. godinu

Visoki predstavnik Valentin Inzko dobitnik je ovogodišnjeg priznanja “Wilhelm Bock” (“*Wilhelm Bock Preis Gotha 2017*”) za društveni i demokratski angažman u istočnoj, južnoj i centralnoj Evropi. Priznanje je uručeno danas u njemačkom gradu Gotha.

Visoki predstavnik je izabran za ovo prestižno priznanje zahvaljujući njegovom društvenom i demokratskom angažmanu za mir u Evropi. Primivši priznanje, Inzko je zahvalio komisiji za izbor i izrazio svoje duboko uvjerenje da je evropska perspektiva jedini put naprijed za Zapadni Balkan. “Kao nepokolebljivi Evropljanin, ja sam čvrsto uvjeren da region u kome sam proveo proteklih osam godina mog života pripada široj evropskoj porodici. Tek kada Zapadni Balkan prevaziđe preostale prepreke i postane punopravni član ove porodice moći ćemo izjaviti da je Evropa kompletna. Još nismo došli do te tačke, ali moja je misija - i misija svih predanih predstavnika međunarodne zajednice koji djeluju u ovom regionu - da stignemo tamo”.

Priznanje “Wilhelm Bock” je uspostavio gradonačelnik grada Gotha Knut Kreuch 2008. godine. Priznanje nosi ime njemačkog socijaldemokrate i sindikaliste Wilhelma Bocka (1846-1931), koji se smatra jednim od osnivača socijaldemokratskog pokreta u Njemačkoj. Drugi poznati dobitnici ovog priznanja bili su pokojni njemački političar i kreator “*Ostpolitik*” Egon Bahr, bivši predsjednik Srbije i lider Demokratske stranke Boris Tadić i bivši češki premijer i evropski komesar Vladimír Špidla.